



साःगु भिंगु मरिचरिया निंति लुमका दिसँ !

लक्ष्मण जमाल /चिलिमि'
प्रोप्राइटर

लाखा छै
LAKHA CHHEN

सोहखुटे, वडा नं. १६, यै, फोन नं.: ४५६०७५८

मुख्यः जग्गा विवाद व्यक्तिया नामय् वंगु विरुद्ध बदरया मुद्दा

● **लहना संवाददाता**
लहना वाःपौ/ ऐतिहासिक भुइख्यःयात व्यक्तिया नामय् यंकूगु विरुद्ध उच्च अदालत यलय् बदरया मुद्दा दर्ता जुइगु जूगु दु। वंगु शनिवाः स्थानीय टोल सुधार समिति लिसें सलंसः सम्पदा ह्यःमि दथुइ जूगु बैठकय् आःया निंति दर्ता जूगु जग्गा बदर यायेगु निंति कुतः यायेगु कथं सहलह जूगु खः।
ऐतिहासिक भुइख्यः जग्गा व्यक्तिया नामय् वनेवँ स्थानीय १५ वडाया वासिन्दाया लिसे सम्पदा प्रेमीतय्सं विरोध याःगु दु। वंगु छुँ न्हि न्ह्यः जक भुइख्यःया जग्गा व्यक्तिया नामय् वंगु खँ सार्वजनिक जूगु खः। भुइख्यलय् भिनिदैय् छकः सम्यम महादान पर्व न्यायेकेमाःगु याना वयाच्वंगु ऐतिहासिक जग्गाया लालपूर्जा तर्क कायेधुंकूगु दु।
भुइख्यःया स्थानीय जनतां ऐतिहासिक व सांस्कृतिक जग्गा



व्यक्तिया नामय् वंगु जूसां उकियात खारेज यानाः सार्वजनिक जग्गा यायेमाःगु माग याःगु दु। भुइख्यःया जग्गा मदुगु भाजुरत्न शाक्यय् नामय् वनाच्वंगु खः। यै मनपा १५ वडा भुइख्यलय् सतः दयेकेगु इवलय् मदुमह शाक्यया कायूपिं मुक्तिरत्न शाक्य व तीर्थ रत्न शाक्य उगु थासय् सतः दयेके दइ मखु धकाः उच्च अदालतय् मुद्दा तयेवँ भुइख्यःया जग्गा व्यक्तिया नामय् वनाच्वंगु खँ सार्वजनिक जूगु खः।
भुइख्यःया जग्गा व्यक्तिया नामय् वनाच्वंगु सार्वजनिक जुइवँ वंगु असार ३० गते स्थानीय वासिन्दातय्सं विरोध यायेगुया लिसें वंगु साउन ३२ गते अदालतय् मुनेगु निर्णय याःगु खः। स्थानीय वासिन्दा साउन ३१ गते भुइख्यःया क्षेत्रय् विरोध स्वरुप व्यानर खायेगु ज्या नं याःगु खः।
नेवाः न्ह्यलुवा मगरत्न शाक्यया कथं भुइख्यलय् सम्यक न्यायेकेगु भालां लंगबहाः, इतुम्बहाः व वतुतःधं बहाःयात बियातःगु दु। २०६५ सालपाखे भुइख्यः गुथि संस्थान काइगु खँ पिहां वयेवँ स्वंगुलिं बहाः मिले जुयाः लंगबहाःया तत्कालिन थाय्पा भाजुरत्न शाक्यया नामय् भुइख्यः दर्ता याःगु खः। अबलय् गुथि संस्थानया कब्जाय् वनेगुपाखें बचे



यायेत थाकुलि जुयाच्वमह भाजुरत्नया नामय् दर्ता याःगु भुइख्यः आः जिमिगु हे खः धकाः भाजुरत्नया कायूपिं मुक्तिरत्न शाक्य व तीर्थ शाक्य दाबी याःगु खः।
उगु इलय् नेपाःया राजनीति अस्थिर जुयाच्वंगु खःसा स्थानीय निकाय नं कर्मचारीतय्सं सञ्चालन यायेत थाकुलि जुयाच्वमह भाजुरत्नया नामय् दर्ता याःगु भुइख्यः आः जिमिगु हे खः धकाः भाजुरत्नया कायूपिं मुक्तिरत्न शाक्य व तीर्थ शाक्य दाबी याःगु खः।
जग्गा व्यक्तिया नामय् यंकूगु ज्या जूगु खः।
थुकिया दथुइ वंगु साउन ३२ गते उच्च अदालतय् भुइख्यःयात कयाः बहस जूगु दुसा उगु बहसया इवलय् भुइख्यः सम्बन्धी भ्वं भिके यायेत ल्यं ७ पेजय्

साहित्यकार भूषणप्रसाद श्रेष्ठयात हन



लहना वाःपौ/ साहित्यया थीथी विधाय् कलम न्ह्याका वयाच्वमह साहित्यकार भूषणप्रसाद श्रेष्ठयात वंगु शनिवाः छगू ज्याइवःया दथुइ हनेज्या जूगु दु। नेपालभाषा एकेडेमीया ग्वसालय् जूगु प्यक्वःगु 'सर्जक व सिर्जना' ज्याइवलय् साहित्यकार श्रेष्ठयात एकेडेमीया चान्सलर मल्ल के. सुन्दर दोसल्ला न्ययेकेगुया लिसें मतिनाया चिं बियाः हनेज्या यानादीगु खः।
ज्याइवः याये न्ह्यः साहित्यकार श्रेष्ठयात एकेडेमीया दुजःपिसं बाजं सहित लसकुस याःगु

खः। ज्याइवः एकेडेमीया भ्वाइस चान्सलर डा. पुष्पराज कर्णिकार लसकुस यानाः न्ह्याःगु ज्याइवलय् श्रेष्ठं च्वयादीगु गजल कलाकारपिं सुरेन्द्र श्रेष्ठ, सतिश महर्जन, रिता महर्जन, सुरजवीर वज्राचार्य व निशा देशारं न्यंकादीगु खः।
उकथं हे श्रेष्ठं च्वयादीगु बाखं निपु बाखं साहित्यकार नारद वज्राचार्य, हृदयप्रसाद मिश्र व शरद कसाः ध्याचू न्यंकादीगु खःसा रामेश्वर मिश्रण श्रेष्ठं हाइकु न्यंकादीगु खः।

ल्यं ७ पेजय्





नेवा: राष्ट्रिय म्ये

च्वमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे ज: जुया धुन लुइ धुन
ह्यांगु भुमिइ अष्टमण्डल ह्यांगु चा: दुने थी नगु
भीगु नेवा: ध्वाँय् थ्व हे ख: ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिमिलिं
राष्ट्र भ:भ: धाय्क न्ह्याके भीगु च:तिं भीगु हिं

सम्पादकीय



गण्डकी प्रदेशय् नं मातृभाषा

नेपा: बहुजातीय, बहुभाषिक व बहुसांस्कृतिक देय् धका: संविधानय् धयात:गु दुसां व्यवहारय् छ्यलेगु ज्या जुयाच्चंगु मदु। भाषायात कया स्वयेगु ख:सा खस नेपालीयात राष्ट्रिय भाषा व मेमेगु भाषायात राष्ट्र भाषा धका: धायेगु या:। दच्छि न्ह्य: बागमती प्रदेश सरकारं नेपालभाषा व तामाङ भाषायात कामकाजी भाषायात मान्यता बिया नेपा: बहुजातीय व बहुभाषिक देय् ख: धइगु मान्यता बिउगु कथं कायेमा:। तर अय्ंनं व्यवहारय् भचा समस्या व:गु खने दयाच्चंगु दु।

अथे हे छु दिं न्ह्य: गण्डकी प्रदेश न गुरुङ व मगर भाषायात सरकारी कामकाजया भाषाया रुपय् मान्यता ब्यगु दु। थुनिया अन्तर्निहित अर्थ राज्यं बहुजातीय, बहुभाषिक व बहुसांस्कृतिकताया मू विशेषतायात आत्मसात या:गु दु। गण्डकी प्रदेशया थुगु पला:या कारणं मेमेगु प्रदेशयात नं थ:गु बहुसंख्यक भाषायात कामकाजी भाषाया रुपय् मान्यता बीत प्रेरित याइ। वास्तवय् प्रादेशिक सरकारं यायेफुगु थ्व ज्या नेपा:या बहुभाषिक समाजयात सम्मान यायेगु व भाषिक विविधतायात संरक्षण यायेगु दिशाय् छगू ऐतिहासिक ईल्बहँ जूगु दु। थुगु ज्यां प्रादेशिक सरकारपाखें भाषा संरक्षण व प्रवर्द्धनया नितीं ग्यसूलागु पला: जुइफुगु भलसा कायेफइ।

नेपा:या संविधान विशेष याना: धारा ७ या दफा (२) व (३) य् प्रदेश दुनेया बहुसंख्यक जनतां ल्हाइगु भाय्यात सरकारी कामकाजया भाय् कथं व्व:छी फइगु व्यवस्था यानात:गु दु। थुगु प्रावधानं संविधानया समानता व समावेशीताया उद्देश्य साकार यायेत स्पष्ट रुपं मार्गदर्शन याइ। गण्डकी प्रदेशं थुगु प्रावधान कार्यान्वयन यासैं गुरुङ व मगर भाषायात सरकारी कामकाजया भाषा दयेकेगु निर्णय या:गु दु। थ्व निर्णयलिसें सम्बन्धित विधेयकं गुरुङ व मगर भाषां सरकारी ज्या, नागरिक सूचना, राजपत्र प्रकाशन लगायत सार्वजनिक दस्तावेज व्यवस्थापन यायेगु व्यवस्था ह:गु दु। थुनिया नापं भाषा आयोग व प्रादेशिक सरकारं मंका: कथं भाषाया अध्ययन, अनुसन्धान व मानकीकरणया नितीं ज्याइव: न्ह्याकीगु जूगु दु। आ: गुरुङ व मगर भाषा गण्डकीय् प्रदेशय् सांस्कृतिक सम्पत्तिइ जक सीमित मजूसे सरकारी कामकाजया भाषाया कथं छ्यलाबुलाय् व:गु गर्वया विषय जुयाच्चंगु दु।

राज्यस्तरं भाषायात छ्यलेबलय् न्हगु उचाइ काइ। वास्तवय् मातृभाषाया शिक्षा व सरकारी सेवाया प्रवाहं जनताया आत्मसम्मान व सांस्कृतिक पहिचानयात क्वातुकी। राष्ट्रियताया प्रवर्द्धनया नितीं नं तसकं महत्वपूर्ण जू।

अथेहे यँ महानगरपालिकाया तत्कालिन मेयर विद्यासुन्दर शाक्य न यँ महानगरय् स्थानीय भाषा मान्यता बिइगु कथं नेपालभाषायात पाठ्यक्रमय् दुथ्याकेगु निर्णय जूगु ख:। यँ महानगर दुने ब्वनेकुथिइ च्यागू तगिं तक अनिवार्य नेपालभाषां पाठ्यक्रमय् ब्वकेगु निर्णय यायेवं मेमेगु पालिकाय् न ब्वंकेगु सुरु जूगु छगु बालागु ज्या जूगु दु।

‘स्वतन्त्र’या न्ह्यलुवा ज: व म्हगस



सुरजवीर बज्राचार्य

कला छ्यलय् सदां नं ज: थें त्वयाच्चनी “स्वतन्त्र” सकसिया गुगलय् स्वां थें ह्वयाच्चनी “स्वतन्त्र” पंग:, प:खालं पंसां सर्ग: थीगु मनसुवा: “स्वतन्त्र” ह:पा थेंगु: गुगलय् सदां लुयाच्चनी “स्वतन्त्र” वइपिं सकलें छहु वनेमानी। समाजया नितीं म्वा:पिं धा:सा वनां नं भीगु समाजय् ह:पा जुया:, ज: जुया: ल्यनाच्चनी, निभा: जुया: त्वयाच्चनी, तिब: जुया: थ्वयाच्चनी। नस्वा: जुया: ह्वयाच्चनी।

‘स्वतन्त्र’या जीवन नं अनन्त ख:। स्वतन्त्रं थ:गु गुग:या स: कला, संचारया प्यानाब्युगु हुनिं स्वतन्त्रया जीवन बिनावसां नं ल्यनाच्चनीगु जीवन जूगु ख:।

कलाकार, सकिपाक:मि, संगीतक:मि स्वतन्त्रं संसार क्रियशन्स् नेपालया क्रियटिभ डाइरेक्टर जुया: कर्म यानादिल। अले ब्वयादिल समाजयात च्वन्ह्याकीगु म्हगस व आजु। The Biggest & Longest Award in Nepalbhasa Music, Video & Film Industry थ्व छगू अजा:गु तातुना ख: गुकिं स्वतन्त्र, संसार ग्रुपनाप नेवा: संगीत व सकिपा छ्य:या प्रवर्द्धन यासैं सकल कलाकार, सर्जक, प्राविधिकपिनिगु नितीं छगू उत्साह थनाब्युगु ख:।

SANSAR NATIONAL STAR MUSIC VIDEO AWARDS ज्याभ्खलं। निदैय् छक: याना: वयाच्चंगु थुगु अवार्ड वंगु जेष्ठया ३ गते स्वक्व:गु खुसी पूर्वंगु ख:। न्हापांगु ज्याभ्ख: यायेत हाथ्या यक्व: दइसा निरन्तर न्ह्याकेगुलिइ हाथ्या अभ्रं अप्वइ। उकीसनं स्वतन्त्रयात थ:गु हे शरीरया अशक्ततां हाथ्या तनाब्युगु नं भीत सदां लुमनाच्चनिसा उगु हाथ्या: पुला: ज्याभ् व: ता:लाकेगु नितीं मा:गु आत्मविश्वास बीप्पुगु ब:ला:गु मन व धिसिला:गु नेतृत्व ‘स्वतन्त्र’ ख:। सशक्तम्ह स्वतन्त्रयात वया शरीरं क्यनाच्चंगु अशक्ततां पनेमफु।

समाजया नितीं कला, कलाकारिता, संचार, कासा, स्वास्थ्य, समाजसेवाया माध्यमं थ:त देछा:म्ह स्वतन्त्रं संसार क्रियशन्स् नेपाल, स्वतन्त्र संसार प्रिन्टिड सर्भिसेज, संसार फाउण्डेशन नेपाल, संसार अनलाईन टेलिभिजन, संसार फिटनेस सेन्टर, संसार अनलाईन न्यूज डटकम, संसार संगीतालय थेंजा:गु थीथी विधाय् व क्षेत्रय् सक्रिय रुपं धिसिधायेक न्ह्यज्यानाच्चंगु नं लुमंकाच्चना। थुलिमछि विधाय् संस्थागत रुप धिसिधायेक न्ह्यज्याकादीम्ह ‘स्वतन्त्र’ समाजया नितीं दसू जुया: धस्वात। थुलिमछि संस्थाया माध्यमं थीथी ज्याभ् व: न्ह्याकादीम्ह स्वतन्त्रया जीवनय् ‘थाकु’ धइगु खँव: मलू। अभ्र न्यासे वनेमफुगु शरीरया अवस्थाय् थ:गु मुक्कं ई थ:गु संस्था व सृजनायात बीप्पुगु खँ तयादीम्ह स्वतन्त्रया थुगु हे भावं स्वतन्त्रयात मेपिं

स्वयां पाकाबिल।

२०३९ साल माघया १४ गते यल महानगरपालिका २१ वडा, ख्वनाय् अबु तेजबहादुर महर्जन व मां कान्छी महर्जनया कोखं जन्म जुयादीम्ह स्वतन्त्रकुमार महर्जनं थ:त स्वतन्त्र ‘संसार’ महर्जन कथं म्हसीकादिल। थुगु कला छ्यलय् समर्पित व सशक्त जीवन म्वायेत तिब: वय्क:या जहान प्रेमशोभा महर्जन (प्रेमहा) नं ख:। थुकी संसार पुच:नापं समाजया ह:पा:, ग्वाहालि व तिब: नं लुइ समाजया नितीं स्वतन्त्रया म्हगसया मू थूपिं।

स्कुल जीवननिसें हे थ:गु प्रतिभा अभिनय, नृत्य, कासा छ्यलय् थ:त न्ह्यब्वया: मन त्याकेत: ता:ला:म्ह स्वतन्त्रं उबलय् हे आपालं सिरपा नं त्याकादिलसा वय्कलं सूर्यमुखी युवा क्लब नीस्वनालि संस्थापक नाय: जुया: विविध खेलकूद व सांस्कृतिक ज्याभ्ख: नं ग्वसा: ग्वयादिल। वि.सं. २०६० सालय् लुँभ्या: कला कुञ्ज व वय् क: स्वतन्त्र हे संस्थापक नाय:कथं न्ह्यज्या:गु सँभ्या: कला कुञ्जया ग्वसालय् मेची निसें महाकाली तक:या तिसावस: ब्वज्या-२०६० त:जिक ग्वसा: ग्वयादिल। थुकी वय्कलं सह-संयोजकया भाला पूर्वकादीगु ख:सा थुगु हे संस्थापाखें २०६१/६२ सालय् विविध सांस्कृतिक ज्याभ्ख: ग्वसा: ग्वया: श्रष्टा साधकपित हना नापं सांस्कृतिक ज्याभ्ख: यानादिल। थुगु संस्थाया माध्यमं आपालं न्हु प्रतिभापित कला गुण स्येनेगु नापं उगु गुण ब्वयेगु नितीं ज्याभ्ख:या ग्वसा: ग्वयेगु ज्या नं आपालं जुल।

कला छ्यलय् मन क्वसा:म्ह स्वतन्त्रया नितीं प्रतिभा न्ह्यब्वयेत: दबू अ:पुल लूगु अनुभव नं दुगु ख:सा ख्य: तब्ब्या: यायेगु मनसुवा:लिसें न्ह्यज्या:गु पलाख्य संघर्षया च:ति नं उतिक लू। ‘सकिपातय् हिरो जुइगु मती तया: बियागु आपालं अडिशन व संघर्षया बाखं स्वतन्त्रं कनादीगु नं दु। २०६० सालय् नेपाली चलचित्र छ्यलय् पला: न्ह्याका:लि २५ स्वयां अप्व: म्युजिक भिडियो, भिगूलिं मयाक्क टेलिफिल्म व सकिपातय् कला न्ह्यब्वयादिल।

खस नेपाली भाय्या कला छ्यलय् स्थापित जुइत न्ह्यज्यानाच्चंगु पला: थ:गु मांभासं सकिपा दयेकेगुपाखें न्ह्यात, मांभासं हे सकिपा दयेकेगु तातुना तया:। थुकी स्वतन्त्रया सकिपातय् ‘हिरो’ जुइगु मनसुवा: दुथ्या:गु ख:। थुगु मनसुवा: पूर्वकेत: वि.सं. २०६३/६४ सालय् ११ म्ह दुज: दुथ्या:गु एम्स मुभिज प्रोडक्सन स्नादिल अले पिदन नेपालभाषाया सकिपा ग्वाज्य:चा, ए जि यम्ह, निफ्व: स्वां, हसना, पियाच्चना, गुगु सकिपातय् निर्माणया भाला जक मख:से निर्देशनया भाला पूर्वकूगु नं लुमंकेबह:गु गुण ख:। थ्व जिगु गुग:, जिपिं बदमास मखु, माया, मिखा दुम्ह कां, इहिपा स्वतन्त्रया अभिनय दुथ्या:गु सकिपा ख:। थुकथं नेपालभाषा सकिपा छ्यलय् लोकं ययेकूम्ह ‘हिरो’ कथं स्वतन्त्र स्थापित जुल।

कोरोना जनजीवनय् भय ब्वलंकाच्चंगु इलय् स्वतन्त्रया हे नेतृत्वय् विश्वव्यापी गायन रियालिटी शोया अनलाइन ज्याभ्ख: नं जुल। लिपा सकलें मुनेफुगु परिस्थितिइ थुगु कासाया ग्राण्ड फिनाले वि.सं. २०७८ भाद्र २६ गते शनिवा: राष्ट्रिय सभागृहया हलय् जूगु जुल।

कला छ्यलय् मनक्वसा:पिनिगु नितीं ह:पा ग्वसा: कथं थीथी ज्याभ् व: याना: वयाच्चंगु स्वतन्त्रया नेतृत्वया संसार पुचलं संसार संगीतालय

न्ह्याकल। संगीतया लसतां जा:गु माहौल अनलाइनया माध्यमं सकभनं ह्वल।

थुकथं न्ह्यज्या:म्ह स्वतन्त्र थ: हे नं छम्ह म्ये हालामि कथं थीथी सृजना न्ह्यब्वयेगु ज्या नं वय्कलं यानादिल, नेपालभाषा व खस नेपाली भाय्या म्ये हालादिल।

आपालं प्रतिभां जा:म्ह स्वतन्त्र संसार महर्जन २०५५ सालय् श्री रुद्रायणी युवा क्लवया ग्वसालय् जूगु वडा स्तरीय फुटवल कासाय् न्हाप सिरपा त्याकादिल। वि.सं. २०७३ पौष १६ गते ज्यापु महागुथि केन्द्रिय समितिपाखें नेवा: जाति, भाषा, संस्कृति छ्यलय् सक्रिय जुया: थीथी ज्या यानादीगुलिं हंगु जुलसा वि.सं. २०७५ श्रावण २६ गते जूगु NATIONAL BOX OFFICE MUSIC VIDEO AWARD 2018 य् हनापौ देछा:गु जुल। वि.सं. २०७५ सालया आश्विन २८ गते वृहत समुदाय नेपालपाखें सकिपा छ्य:या बहुमुखी प्रतिभां जा:म्ह कलाकार कथं Versatile Artist उपमा देछा:सें कदर-पत्र ल:ल्हा:गु ख:। वि.सं. २०७५ मंसीर २१ गते सुनाकोठी बुदोकेदो क्लबपाखें नृत्य/भिडियो निर्देशनय् योगदान या:गु न्ह्यथसैं हनापौ देछा:गु जुल। वि.सं. २०७६ माघ १६ गते न्हापांगु नेपालभाषा स्टार म्युजिक भिडियो अवार्डस्-११४० ज्याभ् व: सुर्धालाक न्ह्याका: समाजय् उत्साह ब्वलंकुगु धासैं आर. वि. फिल्म प्रा.लि., मध्यपुर थिमि, ख्वपपाखें हना-पौ देछा:गु जुलसा वि. सं. २०७७ चैत्र २८ गते ब्लक बस्टर नेपाली फिल्म अवार्ड-२०७७ पाखें “कला संस्कृतिको विकास तथा श्रीबुद्धि गर्नुभएको” धका: उल्लेख यासैं सम्मान-पत्र ल:ल्हा:गु जुल। थुकथं हे वि.सं. २०७८ सालय् ललितपुर महानगरपालिका वडा नं. २१ पाखें खोकना म्याराथोन जूगु ज्याभ् वलय् कदर-पत्र देछा:गु ख:सा वि.सं. २०७८ सालय् खोकना एन्टोरेयिम स्पार्टेस् टुरिजमपाखें प्रशंसा-पत्र ल:ल्हा:गु ख:।। वि.सं. २०७९ सँ लुनिभा बाल सरोकार समूहया रजत जयन्तीया लसताय् कदर-पत्र, वि.सं. २०८१ सालय् काठमाण्डौ महानगरपालिकापाखें सुभाय्-पौ, लहना मिडियापाखें वि.सं. २०८१ श्रावण ११ सुभाय्-पौ, लहना मिडियापाखें हे लहना शर्मिष्ठा सुर-सम्मान ११४१, दाफा मुना खल: किपूपाखें गुरु पुन्हि २०८१ या लसताय् कला संस्कृतिया संरक्षण, प्रचार प्रसार या:गु उल्लेख यासैं सुभाय्-पौ प्राप्त। पवन जोशी सन्ध्या - ११४४ ज्याभ्खलय् म्ये न्ह्यब्व:गु नापं ज्याभ्ख:यात जूगु ग्वाहालि न्ह्यथसैं सुभाय्-पौ, वि.सं. २०८१ कार्तिक १ गते सँ Family Crew पाखें हना-पौ देछा:गु जुलसा ज्याभ्खलय् उगु हे गुण व योगदान लुमंका: मतिनां देछा:गु मतिनाया चिं नं स्वतन्त्रया जीवन भलमल्ल धा:। थुकथं म्वा:म्ह स्वतन्त्र सदां म्वानाच्चनी कला व कला छ्यलय् यानादीगु कर्मया माध्यमं।

थ्व हे भ्खलय् गुलाथ्व पारु शुक्रवा: (श्रावण ९ गते) संसार क्रियशन्स् नेपाल, संसार अनलाइन, संसार संगीतालय जाना: किर्तिपुर सिनेप्लेक्सय् बिचा: हायेका ज्याभ्ख: यायेत्यंगु दुसा ८ गते यल महानगरपालिका २१ वडापाखें स्वतन्त्र संसार महर्जनया लुमन्तिइ ज्याभ्ख: ग्वसा: ग्व:गु दु। भी सकलें मुने। स्वतन्त्रया कर्म निरन्तर यायेगु व वय्क:या म्हगसा पूर्वकेगु ग्वसा: ग्वय्। थुकथं पूर्वगु प्रत्येक ज्याय् “स्वतन्त्र” लुयाच्चनी....सदां.....



शोक सभाय् मुने

म्ये, संगीत व सकिपा लिसें संचार ख्यःयात तब्याकेगु निर्तिं धिसिलाःगु पलाः न्ह्याकादीम्ह बहु प्रतिभाशाली कलाकःमि भाजु स्वतन्त्र महर्जन वंगु दिलागाः द्वितीया ने.सं. ११४५ (२०८२ असार २८ गते) शनिवाः मत्यवं मन्त। वय्कलं स्विगः जक मखुसैं हलिन्कया नेवाः लिसें खस नेपाली कलाकःमिया मिखां ख्ववि हायेकाः संगीत सकिपा ख्यलं दिपा काल।

मांभाय्या कला संस्कृति व संस्कार ल्यंकेगु निर्तिं ‘संसार कृयसन नेपाल’ नीस्वनाः कलाकःमितय्त तिबः बीगुया लिसें म्हसिका ब्वयेगु निर्तिं श्रीथी संगीतिक ज्याइवः यानादिल।

सकिपा ख्यलय् आदिवासी जनजातियात विभेदपूर्ण व्यवहार जुयाच्वंगुयात रुपान्तरण यायेगु निर्तिं स्टार म्युजिक भिडियो अवाई ज्याभक्वः न्ह्याकादिल। सत्य तथ्य व निषक्ष कथं स्वंगू संस्करण तक्क मदिक दकलय् ताहाकःगु व तःजिगु ल्याखं हलिमय् बय् बय् जुइक क्वचायेकादिल। वय्कःयात तिरी मय्जु संचारकःमि प्रेमा महर्जन तुतां जुया भलसा बिउगुया लिच्चः खः क्रियटिभ डाइरेक्टर अवाई।

वय्कलं थः सिनां नं कलाकःमि म्वाकेगु आजु ज्वनाः संसारसँ अनलाइन ऑफिसियल यूट्यूब च्यानल चायेकाः थःगु हे च्यानल पाखें म्ये, सकिपा अवलोड यानाः भिउज पाखें वःगु ध्यबा निस्वार्थ कथं कलाकारतय्त लःल्हाःगु खः। स्वतन्त्रया लिपांगु संगीत ख्यःया पलाः संसार संगीतालय समाज सेवी म्ये हालामि सरिता महर्जन संरक्षक जुया तिबः बियादिल। म्ये हालापिं भाजु मय्जुपित म्हसिका दबू दयेकाः वा पतिकं ब्वयेगु ज्या ताः लानाच्चंगु इःलय् आकाभाकां भीतिः त्वःता थकल नुगः खलः.....!

स्वतन्त्र महर्जनया त्याग तपस्या व वलिदानया कदर यासैं वय्कःया आजु पूर्वकेया निर्तिं सकल नेवाः कलाकःमि पित छधि छपैं जुयाः न्ह्यज्यायेमाःगु दु। लिसें महुम्ह स्वतन्त्र महर्जनया लुमन्तिइ थ्वहे वइगु असार ९ गते बुधवाः सुथसिया ७:३० ता इलय् कीर्तिपुर सिनेप्लेक्सय् शोक सभा यायेगु ज्याइवः दुगुलिं सकसित ब्वनाच्चना।

पवन जोशी

ਮਾਨੁਸ਼ ਸਵਾਮੀ ਸੰਸਾਰ ਮਾਨੁਸ਼

स्वतन्त्र जीवन हनावन छं स्वतन्त्र



बिराजकाजी राजोपाध्याय

ज्याभवःया रँ
लहायेत स्वतन्त्रया
थाय वना ।
ज्याभवःया बारे
बीमाःगु जानकारी,
ठवं दववं बीधुंकाः
स्वतन्त्रं धाल,
'का बिराज दाई,
जि हस्पिटलय्
भर्ना जूवने त्यना,
जि ज्याभवलय्
दइमखु । दाइ नं
स्वयाः ज्याभवः
सफल यानाबी मानि
न्हि ।' स्वतन्त्रं थथे
धाःबलय् जि ला
छवः छु याये छु याये
जुल ।

स्वतन्त्र, नामं जक मखु, स्वभाव नं स्वतन्त्र हे छंगु । धाथें हे स्वतन्त्र जीवन हनावन छं । हनेत ला छं उमेरया ल्याखं तसकं चीहाकःगु जीवन जक म्वानावन । तर व चीहाकःगु जीवनय् छं जीवनया स्वतन्त्रता यक्वसित स्यनाथकल । क्यान्सर थज्याःगु ल्वचं छन्त तुरिं चुइके मबिल खः तर, क्यान्सरयात हे च्यालेन्ज यानाः छं थःगु चीहाकःगु जीवन धिसिमिसि धायेकूगु दु ।

स्वतन्त्रं छु जक मयाः । शारिरीक रुपं छुं धायेम्वःपिं मनूतय् छुं नं ज्या यायेत अनेक त्वहः दयाच्चनी । जितः छयं स्यात, जितः प्वाः स्यात धयां तकं ज्या छखे छखे तयाच्चनी । तर, स्वतन्त्रया खँ लहायेगु खःसा व न्यासि वनेमफु । छथासं मेथासय् वनेत याउँक वनेमदु । तर ज्या यायेगु सवाल्य् स्वतन्त्रं थथे मफु अथे मफु छुं हे त्वहः दइमखु । दुसा ज्याइवः भःभः धायेक क्वचायेकूगु रिजल्ट जक दइ ।

हलिमय् दकलय् तःधंगु अवार्ड ज्याइवःया रुपय् वर्ल्ड रेकर्ड दयेकेगु आँट स्वतन्त्रयाके हे दु । लकडाउनया इलय् स्वतन्त्रं ग्वसाः ग्वःगु संसार अनलाइन सिंगिंग स्टार्स नं उलि हे सफलतापूर्वक क्वचाल । स्वतन्त्रया संयोजनय्, स्वतन्त्रया नेतृत्व संचार क्षेत्रय् संसार अनलाइन टिभिमारफत स्थानीय गतिविधिया रिपोर्टिङ नं जुया हे च्वन । संसार संगीतालयमारफत सांगितिक ज्याइवः निरन्तर जुया हे च्वनी । गुलि जक ज्याइवः, गतिविधिया खँ लहाये स्वतन्त्रं यानावंगु । स्वतन्त्रया थुकथंया सक्रिय व ऊर्जावान जीवनं हे दक्वसित हःपाः बिया हे च्वन, बिया हे च्वनीतिनि ।

छम्ह कलाकारया ल्याखं स्वतन्त्रयात म्हस्यूगु ला यक्व हे दत । स्वतन्त्रयात दकलय् न्हापां गन नापलात धकाः न्यन धाःसा जितः लुमं ला मजू । तर, स्वतन्त्रं अभिनय याःगु सकिपा 'अय् जि यःम्ह' लय् जिं च्वयागु 'सते सते सिनावने जि' धाःगु म्ये छपु दुथ्याः वन । व हे सकिपा अय् जि यःम्हया म्येया डिभिडि एलबम सार्वजनिक ज्याइवलय् म्ये च्वमिया ल्याखं जितः नं सःतल । जि व ज्याइवलय् वनाः मतिनाया चिं नं कयागु खः । जितः गन तक ताः स्वतन्त्रयात नापलाःगु व हे दिनय् जुइमाः । लिपा बांलाक खँल्हाबल्हा गबले जुल धायेमफुत ।

स्वतन्त्रयात ट्र्यूमर जुइधुंकाः न्हापां ला अपरेशन नं यात । वयां लिपा नेपालभाषा सकिपा समाजं नेवाः फिल्म महोत्सवया घोषणा ज्याइवः याःगु दिनय् स्वतन्त्रलिसे खँ ल्हानागु जिगु मिखाय् थौं नं भलभल लुयावः । मेरुदण्डय् ट्र्यूमर जुइधुंकाः न्यासि वने मफयाच्चंम्ह स्वतन्त्र व दिनय् नापलाःबलय् स्वतन्त्र बुलुहुं बुलुहुं न्यासि वनाच्चंगु खना । जुइ मफयाच्चंम्ह स्वतन्त्र न्यासि वनाच्चंगु खंबलय् नुगः लसतां जाल । जिं व लसता स्वतन्त्रया न्हयःने हे वनाः प्वंका । 'थौं स्वतन्त्र न्यासि वनाच्चंगु खनां तसकं खुसी लगेजुल । मेपिं थ्व ल्वचय् थुलि याकनं दनेफैमखु । स्वतन्त्रया आत्मबल



धाथें बल्लाः खनी' जिं धया । स्वतन्त्रया लिसः थौतकं लुमं जितः । 'थज्याःगु ल्वचं जितः आपाः लासाय् तयातये फइला दाई ? छुं टाइम आराम जक यानागु का ।' स्वतन्त्रया व लिसः गुलि जोशं जाः ।

थथे हे दथुइ उगुं थुगुं ज्याइवलय् स्वतन्त्रयात नाप लानाच्चनी । स्वतन्त्रया ऊर्जा हे जितः स्वतन्त्रलिसे सतिका नं यंकल । जुजुं स्वतन्त्रलिसे भचा अप्वः सतिनागु धयागु स्वतन्त्रं स्टार म्यूजिक भिडियो अवार्डसया आयोजना यासानिसे हे खः । उगु इलय् स्वतन्त्रया ट्र्यूमर लिथुयाः हाकनं जुइ मफूगु अवस्थाय् थ्यनेधुंकल । थः न्यासि जुइमफूगु अवस्थाय् थ्यंकाः नं हलिमय् दकलय् तःधंगु अवार्ड ज्याइवः यानाः वर्ल्ड रेकर्ड तयेगु योजनाय् न्ह्याःवंम्ह

स्वतन्त्रं उगु ज्याइवःया उद्घोषण बांलाक याइम्ह उद्घोषक कथं जितः लुमंकल । ज्याइवः उद्घोषण यानाबी माल धाल, जिं ज्यू धया । ज्याइवः यानाः, स्वतन्त्र लय्ताः । अवार्डया निगूगु संस्करण थ्यंबलय् स्वतन्त्रं जितः अवार्डया ब्रान्ड एम्बेस्डर हे धायेगु यात । न्ह्याथाय् न्ह्यागु ज्याइवलय् नं न्ववाइबलय् अवार्डया खँ वल कि 'बिराज दाइ ला स्टार म्यूजिक भिडियो अवार्डया ब्रान्ड एम्बेसडर' धकाः धा हे धाइ ।

स्वक्वःगु अवार्ड थ्यंबलय् अथें नं जिगु नुगः त्याकेधुंकूम्ह स्वतन्त्रं जितः थ्व कथंया थासय् थ्यंकाबिल,

ज्याइवः गन दिकेगु ?'

अथे धाःम्ह मनुखं फाइनल ज्याइवः न्हयः जितः धाःगु खँ लुमनीबलय् जितः आः नुगः मछिंसे च्वनावः । मेन इभेन्ट न्हयः जितः कथु स्यात । कयं वना, डाक्टर ज्यूसा अप्वः न्ववायेमते, ताताःहाकःगु प्रोग्राम यायेमते धाल । जिं स्वतन्त्रयात व खँ धया, मेम्ह उद्घोषक सःति नं धया । प्रोग्राम निन्हु न्हयः च्याटय् खँ ल्हाना, सुइत धया धकाः न्यनां स्वतन्त्रं सुं नं मसःता धाल । 'दाइ, मदयूक गय् यानां प्रोग्राम यायेगु ग्व ? मेपिं सुनां यायेफइ ? प्रोग्राम पोस्टपोन यायेलाकि छु ?' स्वतन्त्रं थथे धाल । थः मदयूक ला प्रोग्राम दीमखु धाःम्हसिनं जि मदयूक गय् यानां प्रोग्राम जुइ धाःगु न्यनाः जिं कथु स्याः धयाच्चने मफुत, ज्याइवः याःवना ।

ज्याइवः क्वचाइथें च्वंकाः स्वतन्त्रं न्ववाःबलय् अवार्ड बी सिमधःनि, स्पेशल अवार्ड बाकि दनी धकाः थः काय् सम्मत, जहान प्रेमायात जि व पासा प्रमिलाया ल्हातं अवार्ड बीकल । अले हाकनं नं अवार्ड बी ल्यं दनी धाधां प्रमिला व जितः नं अवार्ड बिल । थौं व ई लुमंकेबलय्, छैय् ब्वया तइगु व अवार्डया ट्रफि खनीबलय् स्वतन्त्रं थःगु अन्तिम ई त्यल धकाः उबलय् चायेधुंकूगु खः ला धइथें च्वनावइ । थःगु अन्तिम ई वःगु खँ थुइकाः हे थःगु मतिनाय, थःगु दकलय् लिपांगु चिं जितः उकथं लःल्हानावंगु खःला धइथें च्वनावइगु अले नुगः मछिंसे च्वनावइ ।

तसकं च्वछायेबहःगु, असाधारण साहस व प्रतिभां थ्व नां सकसिनं बांलाक हे म्हस्यूगु, सकस्यां यःगु नां जुयावन । थौं भी दथुइ स्वतन्त्रया नश्वर देह मदये धुंकल । थ्व खँयात सुनां पत्याः याये मफयाच्चन तिनि धाये अथवा पत्याः याये हे मास्ते मवयाच्चन तिनि । जितः नं अथे हे जुयाच्चंगु दु । न्ह्याबले नपलात कि छूऊर्जा महसूस जुइगु खः स्वतन्त्रयापाखें । थौं उकथं हे नापलायेगु अवस्था ला मदु, अथेसां वयूकःया व साहसं बियाच्चनिगु ऊर्जा धाःसा दनी, वयूकःया लुमान्ति दनी । स्वतन्त्र, छ स्वतन्त्र कथंया हे जीवन हनावन । आः थ्व संसारया दक्वं दुःख, पीडा, मोह, मायां नं स्वतन्त्र जुयावन । छ बांलाःथाय् लायेमा । छ न्ह्याबले लुमानाच्चनी

हरेक मंगलवाः
राष्ट्रियताको लागि समर्पित



मेरो साप्ताहिक
मेरो साप्ताहिक Mero Saptahik
मालाः मालाः ब्वनादिसँ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

‘गालय् वन’ उत्कृष्ट आदिवासी जनजाति फिल्म



लहना वा:पौ / मीनबहादुर भाम निर्देशन या:गु ‘शाम्बाला’ उत्कृष्ट फिल्म घोषित जूगु दु। २०८१ य् प्रदर्शन जूगु गूगु सकिपापाखे गूगु विधाय वितरण या:गु ‘राष्ट्रिय चलचित्र पुरस्कार’ य् निर्देशक भाम हे ‘उत्कृष्ट निर्देशक’ जूगु दु। ‘राष्ट्रिय चलचित्र पुरस्कार’पाखे ‘छक्का पञ्जा ५’ य् कलाकार दीपकराज गिरी उत्कृष्ट लेखन/पटकथा, छायाँकार पुरुषोत्तम प्रधान ‘पिताम्बर’पाखे उत्कृष्ट छायाँकन, भरत रेग्मी ‘पुजार सार्की’ पाखे उत्कृष्ट

सम्पादन, ‘खुस्मा’ पाखे उपासना सिंह ठकुरी उत्कृष्ट अभिनेत्री व विजय बराल ‘पूर्णबहादुरको सारङ्गी’ पाखे उत्कृष्ट अभिनेता जूगु दु।

अथेहे नेपाल भाषाया ‘गालय् वन’ उत्कृष्ट आदिवासी जनजाति फिल्मपाखे सम्मानित जूगु दु। ‘निर्णायक समिति प्रोत्साहन पुरस्कार’ कथं अभिनेता प्रदीप खड्कायात ‘पुजार सार्की’पाखे निर्णायक समिति ल्य:गु ख:। राष्ट्रिय चलचित्र पुरस्कारया निर्णायक कलाकार रमेश

बुढाथोकी, एनबी महर्जन, करण थापा, सुचित्रा श्रेष्ठ व दीपेन्द्र के खनालिपि च्वनादीगु ख:।

चलचित्र निर्देशक लक्ष्मीनाथ शर्मायात दीर्घसाधना सम्मान (लाइफटाइम अचिभमेन्ट) पाखे नगद ३ लाख ७५ हजार नाप सम्मान या:गु ख:। ज्याभ्रुवल्य फिल्म क्षेत्रय् विशेष योगदानया:पिं भीम्व व्यक्तित्वय् ‘विशेष योगदान सम्मान’ (२०८१) ल:ल्हागु ख:।

कलाकार प्रेम सुब्बा, पार्श्व गायिका देविका बन्दना, छायाँकार दीर्घ गुरुङ, निर्देशक/कलाकार अनुप बराल, प्राविधिक परशुराम चौधरी, कलाकार सुरक्षा पन्त, प्रदर्शक/वितरक नकिम उद्दिन, कलाकार उत्तम केसी, कलाकार अञ्जु रञ्जितकार व कलाकार निखिल उप्रेतीयात सम्मान या:गु ख:।

ज्यापु संस्कृति विकास कोषपाखे गुरु हनेज्या



लहना वा:पौ/ ज्यापु संस्कृति विकास कोषं गुरु पुन्हिया इवल्य बाजा गुरुपित हनेज्या या:गु दु। ज्याइवल्य मूपाहाँ कथं यै महानगरपालिकाया उपप्रमुख सुनिता डंगोल परम्परागत ६३ ज्यापु त्वा:गुथिया गुरुपित हनेज्या यानादीगु ख:।

त्वा: गुथि, खल: पुच:या

बाजंया गुरुपि छु न विश्वविद्यालय स्वयां म्हो मज्जु खँ उपप्रमुख डंगोल धयादीगु दु। ज्यापु संस्कृति विकास कोषया अध्यक्ष मंगलकृष्ण सिंह संस्कृतियात कथं जीविततय् अमूल्य ई व ज्ञान इनेगु ज्या याइपि गुरुपित हनेज्या यायेदया: थ:पि तसक लय्तागु खँ कनादिल।

नृसिंह जात्राय् मल्ल जुजुयात ब्वनेज्या

लहना वा:पौ/ यलया ऐतिहासिक नृसिंह जात्राया प्रारम्भिक विधि कथं स्वां तथा: मल्ल जुजुयात प्रतिकात्मक रुप ब्वनेगु ज्या क्वचा:गु दु।

दैय्दसं स्वां त:वनेगु धका: नृसिंह जात्रा यायेगु भाला बियात:पिं राजोपाध्यायया छँज:पिनि न्हयपलाख्य गुरु पुन्हि कुन्हु यलया मल्ल जुजुयात स्वां, जने, ग्वथिलसेंया ज्वलंत तथा: प्रतीकात्मक रुप ब्वनेगु ज्या याना वयाच्चंगु ख:। दैय्दसं भाद्र कृष्ण पञ्चमी कुन्हु नृसिंह जात्रा न्ह्याकेगु याना वयाच्चंगु ख: धा:सा थुगुसी साउन २९ गते थ्व जात्रा न्यायेकेत्यंगु दु।

थुगुसी जात्रा ग्वसा: ग्वयेगु भाला गा:बहा:या मधुर शर्मा राजोपाध्यायया छँज:पिनिगु ख:। थुगुसी जात्रा

न्यायेकेत वंगु बिहिबा: गुरु पुन्हिकुन्हु थ्व ज्या क्वचायेकूगु ख:। वि.सं. १७४१ य् जुजु जुयादीम्ह योगनेन्द्र मल्लयात थौतक नं जीवित जुजु (म्वाना च्मंह जुजु) कथं कयात:गु दु। दरवारया च्वय् च्वंगु तलाया पश्चिमपाखे छगू क्वथाया इया: चायेका: वय्क:या निती छगू धं यनेगु धका: आ:तक नं तयार यानाच्चंगु दु। २०४६ साल तक वय्क:या निती धका: न्हियान्हिथं सुथसिया इलय् बजां थनेगु यानाच्चंगु ख:। दरवारया न्ह्य:ने च्वंगु जुजु योगनेन्द्र मल्लया इवाताया द्य:ने चखुंचा छम्ह नं दु, वय्कलं थ: सी न्ह्य: व चखुंचा ब्वया: मर्वतले थ: म्वानाच्चंगु दइ धका: थुईक धयादीगुलिं आ: तक नं जुजु योगनेन्द्र म्वाना: हे च्वंगु दिन धका: विश्वास याइ।

भुइख्य: ...

आदेश बिउगु दु। उच्च अदालतया न्यायाधीशपिं कैलाश गुरुङ व कृष्णराम कोइरालाया मंका: इजलासं सम्बन्धित निकायपाखे भ्वं भिके यायेत आदेश बिउगु ख:। उगु इलय् शाक्य पक्षया वकिलतय्सं बहस यायेगु इवल्य थ:पिनिगु निजी जग्गा दावी या:गु ख:सा न्यायाधीशपिसं थ्व निजी गुथिया जग्गा ख: कि मखु धइगु बारे मिसिल भिके याना: स्वयेमानी धका: लिस: बिउगु ख:। न्यायाधीशपिसं २०६७ सालया आदेश भिके यायेत आदेश बिउगु ख:। थ्व स्वयां न्ह्य: गुथि संस्थानं भुइख्य:या जग्गा संस्थानया ख: धका: दावी याना वयाच्चंगु ख:। जिल्ला अदालतं उगु जग्गा व्यक्तिया नामय् जुइगु फैसला या:गु ख:।

लुमंके बह: जू मडुमह भाजुरत्न शाक्य विश्व विद्यालय बुद्ध धर्म

ब्वंकेगु ज्या यानादीम्ह ख:सा वय् क:या काय् मूर्तिरत्न शाक्य नांजा:गु चर्चित ब्याण्ड ‘मुक्ति एण्ड रिभाइभल’ या दुज: ख:।

साहित्यकार...

ज्याइवल्य प्राज्ञ प्रा. प्रेमशान्ति तुलाधर साहित्यकार श्रेष्ठ म्हासिका लिसं वय्क:या कृतियात कया: ध्वाथुइकेगु ज्या यानादीगु ख:। उक्तं श्रेष्ठया मचाबलय् निसंया पासा डा. केशवमान शाक्य साहित्यकार श्रेष्ठयात व थ:गु बारे अनुभव न्यंकादीगु ख:।

ज्याइवल्य साहित्यकार श्रेष्ठ थ:गु बाखँ, कविता, गजल व हाइकु न्यंकादीगु ख:सा एकेडेमीया मू छ्याञ्जे महेन्द्रगोपाल कर्माचार्य सुभाय् देछानादीगु ख:। ज्याइवल्य नेपालभाषा साहित्य ख्य:या आपालं साहित्यकारपिसं ब्वति का:गु ख:।

प्रचलित नेपाललिपिं पिहाँ वयाच्चंगु म्हासीका लय्पौ ब्वनादिसँ/ब्वंकादिसँ

म.मी.व. ल.य.व.

MHASIKA Monthly | म्हासीका मासिक

इमेज च्यानल व्यवस्थापनय् दिरेकलाल श्रेष्ठ

लहना वा:पौ/ नेपा:या न्हापांगु निजी टेलिभिजन च्यानल इमेज च्यानलया व्यवस्थापनय् न्ह्यु नेतृत्व व:गु दु। न्ह्यु व्यवस्थापनया कार्यकारी अध्यक्ष पदय् युवा व सशक्त संचार व्यवसायीलिसं कामना प्रकाशन गृहया सीईओ दिरेकलाल श्रेष्ठयात ल्य:गु दु।

अथे हे न्ह्यु व्यवस्थापनय् मेम्ह संचार व्यवसायी चेड अग्रवालयात प्रबन्ध निर्देशक नियुक्त या:गु दु। सोमवा: लाजिम्पाटय् च्वंगु इमेज च्यानलया ज्याकुथिइ जूगु छगू विशेष ज्याइव: दथुइ इमेज ग्रुप अफ कम्पनीया नाय:



आरके मानन्धर न्ह्यु व्यवस्थापनयात जिम्मेवारी ल:ल्हा:गु ख:। वंगु २७ दैनिसं मानन्धरया अध्यक्षताय् सञ्चालन जुयाच्चंगु इमेज च्यानल टेलिभिजन २०८२ साल १ श्रावणनिसं न्ह्यु व्यवस्थापनय् सञ्चालन जुइगु जूगु दु। आ: इमेज च्यानल

टेलिभिजनया नापनाप इमेज एफएम ९७.९ व इमेज खबर डटकम नं न्ह्यु व्यवस्थापनय् सञ्चालन याइगु जूगु दु। इमेज च्यानल टेलिभिजन नीस्वंगु इलनिसं ज्या याना वयाच्चम्ह जगदीश खरेलयात नं न्ह्यु व्यवस्थापनं समाचार प्रमुखया जिम्मेवारी ब्यूगु दु।

नवाइ दय दव्या दवायगु मुवै

नारायणदेवी-तीर्थ सिरपा: ११४५
गिरिधरलाल सिरपा: ११४५

ने.सं.११४५ यंलाध्य सप्तमी (वि.सं. २०८२ भाद्र १४ गते, ई.सं.२०२५ अगष्ट ३०) कुन्हु नेवा: वेय् दव्या स्वीछव:गु (३१ औं) बुसाव्या लसताय् वय्सवसं थं छगू छगू लाख तकाया स्वंगु सिरपा: ल:ल्हायेगु जुया: सिरपा: वियेत ल्य:गु खल:पुच:, संघसंस्था व व्यक्तियात थ्व हे ने.सं. ११४५ गुलाध्य सप्तमी (श्रावण १५/जुलाइ ३१) नुने सिफारिस वा दावी सहित निवेदन तथादिइत इनाप यानाच्च्वना। थथे सिफारिस वा दावी यायेवल्य उक्थियात पुष्टि चाइगु प्रमाण, व्यक्तिगत वा संस्थागत प्रोफाइल सहित यायेमा:।

सिरपा:या विधा

(१) नारायणदेवी तीर्थ नेवा: समाजसेवा सिरपा: –
 नेवा: सामाजिक, संस्कृति, अधिकार, सम्पदा, संरक्षण नापं स्वापू दूगु ज्याय् च्वछायेबह:गु ज्या याना वयाच्चंगु संघसंस्था, खल:पुच:, गुथि, व्यक्ति आदि।

(२) नारायणदेवी तीर्थ व्यवसायी प्रोत्साहन सिरपा: –
 नेवा: परम्परागत व्यवसाय वा आधुनिक व्यवसाय न्हाका वयाच्चंगु व्यवसायिक संस्था, कम्पनी, खल:पुच:, गुथि, उद्यमी, व्यक्ति आदि।

(३) गिरिधरलाल नेपालभाषा सेवा सिरपा: –
 नेपालभाषा, नेपालभाषा साहित्य व नेपाल लिपि ख्यलय् च्वछायेबह:गु ज्या याना वयाच्चंगु संघसंस्था, खल:पुच:, गुथि, व्यक्ति आदि।

सिरपा:या दावी वा सिफारिस दित्तिनेगु थाय्
 सिरपा: समिति, नेवा: वेय् दव्या, का.म.पा.–१२, बुद्धबारी, टेकु
 टेलिफोन – ०१-५३६७६०५
 इमेल – deydaboo@ntc.net.np, nddproject@yahoo.com

हलिं नेवाः दबू जर्मनी शाखाय् कुमार नापित सर्वसम्मत



लहना वाःपौ/थीथी देसय् च्वनाच्चीपिं नेवाःतय् संस्था 'हलिं नेवाः दबू (डब्लूएनओ) जर्मनी शाखाय् नायः पदय् हाकनं कुमार नापित

सर्वसम्मत ल्यःगु दु । १३ जुलाई २०२५ आईतवार लुनिबर्गय् जूगु तःमुँज्यां ख्वपया नापितयात निक्वःगु कार्यकालया

लागि सर्वसम्मत ल्यःगु खः । थुकथं हे न्वकुलिङ्ग रामकाजि गोसाँई, सचिवय् डा. देव नापित, महासचिवय् गणेशमान तालभडेल, कोषाध्यक्षय् बिन्दिरा बोहजू, सहकोषाध्यक्ष कमल प्रजापति च्वनादीगु दुसा संस्कृति संयोजकय् उर्मिला बदगामी श्रेष्ठ दु ।

दुजलय् शंखर महर्जन, दिनेश प्रधान, डा. राजेश साँजू, संजय श्रेष्ठ, पार्वती श्रेष्ठ, सलोनी श्रेष्ठ, सकिला राजभण्डारी चयन जूगु दु । थुकथं हे बिशेष सल्लाहकारय् मानव कुमार श्रेष्ठ, सल्लाहकार, चिरण श्रेष्ठ, डा. मन्दिरा साँजु, नरेन्द्र श्रेष्ठ, श्रीषक श्रेष्ठ, शोम श्रेष्ठ चयन जूगु हलिं नेवाः दबू जर्मनी च्याप्टरं धाःगु दु ।

नेवाः नखः न्यूयोर्कया ग्वसालय् गुक्वःगु इही मुना

लहना वाःपौ/संयुक्त राज्य अमेरिकाय् नेवाः तजिलजि म्वाका तयेगु कुतःकथं नेवाः नखः न्यूयोर्कया ग्वसालय् गुक्वःगु इही मुना ज्याइवः क्वचाःगु दु । नेपाल सम्वत ११४५ दिल्लाथ्वः एकादशी, आईतबार (२०२५ जुलाई ६) कुन्हु ज्याक्सन हाइट्सय् च्वंगु शेर्पा किडुङ हलय् जूगु उगु समारोहय् अमेरिकाया प्यंगू राज्य-न्यूजर्सी, म्यासाचुसेट्स, ओहियो व न्यूयोर्कपाखें ६ म्ह मिसामस्त लूनिभाः श्रेष्ठ, ग्रेस प्रधान, गियाना तुलाधर, मेलानी तुलाधर, लीला श्रेष्ठ, अनन्या प्रधानपिन्सं ब्वति काःगु खः ।

समन्त श्री बज्राचार्य गुरुजु व पुष्पा बज्राचार्य गुरुमां जुयाबिज्याःगु उगु इही मुना ज्याइवः संस्थाया मूख् यान्जे तुलसी नारायण चित्रकारं न्ह्याकादीगु खःसा ज्याइवल्य् उपस्थित सकल सहभागी व पाहापिन्त संस्थाया न्हापांम्ह न्वकू श्रुति अमात्यं लसकुस यानादीगु खः । ज्याइवल्य् संस्थाया निवर्तमान नायः महेन्द्र वीर बज्राचार्य संस्थाया स्थापना व उद्देश्य बारे ध्वाथुइका दिसें थ्व संस्था सन् २०११ स न्यूयोर्कय् नेवाः नखःचखः, परम्परा, तजिलजि व कला संस्कृतिया संरक्षण व प्रवर्द्धन यायेगु नितीं नीस्वनागु खँ कनादिल ।

व धुंकाः संस्थाया कार्यकारी दुजः, मचाया मांअबु, पाहाँ, अले



अन उपस्थित सकलें मिसा मचापिनि म्हसीकाया ज्याइवः नं जूगु खः । म्हसीकाया इवल्य् छैय् थें पारिवारिक वातावरणय् विदेशय् नं मिसामचाया ज्याइवः न्ह्यब्वये खंगुलिं मिसामचाया मांबौपिन्सं तसकं लसता प्वंकु खः । ज्याइवल्य् दांभरिं सलोनी वन्त श्रेष्ठ, ल्यू दांभरिं मेनी श्रेष्ठ, दुजः नम्रता प्रधानपिन्सं उपस्थित दर्ता यानादीगु खः ।

नेवाः नखः न्यूयोर्कया नायः डा. नरेश मान शाक्य, न्हापांम्ह न्वकू श्रुति अमात्य, निम्हम्ह न्वकू महेन्द्रकुमार बज्राचार्य, मू-छ्यान्जे तुलसी नारायण चित्रकार, दांभरिं सलोनी वन्त श्रेष्ठ, व सल्लाहकार महेन्द्र वीर बज्राचार्यजुपिन्सं ज्याइवल्य् ब्वति काःपिं मिसामस्तयुत हनापौ लःल्हानाः भिंतुना व लसहना दछाःगु खः ।

संस्थाया मिसा दुजःपिं श्रुति अमात्य, शालोनी वन्त श्रेष्ठ, मेनी

श्रेष्ठ, नम्रता प्रधान, उजिला प्रधान, लघु श्रेष्ठ, लक्ष्मी शोभा चित्रकार, अनिता बज्राचार्य, मोहिनी कर्माचार्य, कल्पना प्रधान नापं मेमेपिं कमला प्रधान, पुष्पा बज्राचार्यपिन्सं मिसामस्तयुत थुगु ज्याइवःया नितीं मूलुखानिसें लसकुस यासें इहीया पुजा सामाग्री, खैय्सगं व थाय्भुं नं दयेका दीगु खः ।

गुभाजु समन्त श्री बज्राचार्य इहीया महत्वया खँय् ब्वति काःपिन्त कनाबिज्याःगु खःसा संस्थाया नायः डा. नरेशमान शाक्य थुकिया थीथी चरणय् पुजाय् छ्यलीगु थीथी हलंज्वलं गुक्थं छ्यलेगु धकाः ध्वाथुइका दीगु खः ।

नापं संस्थाया निम्हम्ह न्वकू महेन्द्रकुमार बज्राचार्य, छ्यान्जे अनित श्रेष्ठ, दुजःपिं जिवेन्द्र प्रधान, लघु श्रेष्ठ, अनिता बज्राचार्य, लक्ष्मीशोभा चित्रकारपिन्सं थुगु पुजाया थीथी चरण क्वचायेकेत ग्वाहालि यानादीगु खः ।

यस व्यू जेनिथ इङ्गुलिस मोडल स्कूलबाट
मि.सं. १०८३ खानेबास एसडिई उतीर्ण गर्नुभएको
बहुप्रतिभाशाली सितु महर्जनको कृप्य मानवको सफलताको मान्यता गर्दै
सम्पूर्णलाई सर्वोत्तम गरेर जोड गरेर सितु महर्जनलाई जयवादी बन्द
साल्नाम तारीदिनुहुन हार्दिक अनुरोध गर्दछु ।

VOTE NOW

सितु महर्जनलाई भोट गर्नको लागि Mobile को
Message box मा गई MDU(SPACE)08 Type गरि
37000 मा send गर्न सक्नुहुनेछ ।
त्यस्तै MY INTRA App मा गएर
सितु महर्जनको profile मा click गरेर पनि vote
गर्न सक्नुहुनेछ ।

अनुरोधतः सितु महर्जन संस्थागत प्रबन्धन-यापक
ब्यू जेनिथ इङ्गुलिस मोडल स्कूल

स्तनपान गराऔं, बालस्वास्थ्यमा सुधार गरौं ।

- शिशु जन्मिएपछि जतिसक्दो चाँडो (१ घण्टाभित्र) आमाको (विगौती) दुध खुवाऔं,
- जन्मेदेखि ६ महिना पुरा नभएसम्म आमाको दुधमात्र खुवाऔं,
- ६ महिना पुरा भएपछि उमेर अनुसार पूरक खानाका साथै कम्तिमा २ वर्ष सम्म निरन्तर स्तनपान गराऔं,
- आमाको दुध शिशुको लागि अमृत समान हो र यसले शिशुको रोगसँग लड्न सक्ने क्षमतालाई बढाउँछ,
- स्तनपानले महिलाहरूमा स्तन क्यान्सर र पाठेघरको क्यान्सर हुने जोखिमलाई कम गर्दछ,
- चिकित्सकको सल्लाह बिना शिशुलाई आमाको दुध बाहेक अन्य कुनै किसिमको दुध नखुवाऔं,
- सकेसम्म दुधदानी वा बोतलको दुध प्रयोग नगरौं,
- स्तनपान सम्बन्धी उचित परामर्श तथा थप जानकारीका लागि नजिकैको स्वास्थ्य संस्था वा महिला सामुदायिक स्वास्थ्य स्वयंसेविकालाई सम्पर्क गरौं ।

“विश्व स्तनपान सप्ताह सफल पारौं ।”

नेपाल सरकार



विज्ञापन बोर्ड

छत्रपाटी निःशुल्क चिकित्सालय (अस्पताल)

“स्त्रीसँग शुलभ स्वास्थ्य सेवा सकसिया निती, असहायता निती जड निःशुल्क”

उपलब्ध सेवा

२४ घण्टा सेवा

- इमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोतिबिन्दु
- स्तन सर्जरी
- नाक बान पौटी सम्बन्ध
- हाडजोर्नी तथा नाक सम्बन्ध
- जिवा चिकित्सा विभाग नवीको वन्दर सम्बन्ध

बहिरंग सेवा

- मुटु रोग
- पेट रोग
- युरोलोजी
- स्त्री रोग
- बाल रोग
- कपालरोग
- दन्त रोग
- मर्दाना रोग
- जनरल मेडिसिन
- बर्ष तथा वीर्य रोग
- नाक बान पौटी रोग
- जनरल हेल्थ चेक अप
- नाइरोडिङ
- मधुमेह

मिनेम सेवा

- ट्रेसिङ
- इण्डोस्कोपी
- फोन्टोस्कोपी
- फिजियोथेरापी
- इन्ट्राउट्टर, क्लर ट्रिप्पर र इको
- इन्ट्रिनेरी सर्जरी इन्ट्रिनेरी सर्जरी
- टि.एच.टि. हल्टर

२४ घण्टा इमरजेन्सी सेवा

७०८ गंगालाल मार्ग, छत्रपाटी, काठमाडौं, फोनः ५३९६९३८, ५३५७९९९, ५३६६२२९